

皇清文穎續編

皇清文頴續編卷七十二

詩

七言古詩

平定兩金川詩

嵇璜

聖人御宇撫八埏

至德上邁羲與軒以守兼創大業全漸被寒谷生溫  
暄遠人面內歸屏藩二萬里拓輿圖寬衆流宗海星

共垣

王道孰不遵  
平平梁州古城井絡躔  
絕徼遠距爲金川  
蹇拉促浸番境聯  
徃者郎卡獷且頑  
蠶食鄰壤貪而殘  
元臣銜

命莅塞壩天狼頓  
落天弧弦厥酋震  
懾如窮獫我皇大  
度真如天毀巢不  
忍破卵完但令蝻  
伏毋窺邊鼠輩詎  
必膏戈鋌

大君包蒙荷矜憐  
默謀應自消欺姦  
枯株已仆蔓忽延  
狼狽相負苞蘖連  
初侵革布虐燄煎  
旋吞丹壩垂

餒延區區蝸角抵觸儘么膺未足勞誅駢詎知怙惡  
竟不悛疆吏開諭徒更番

聖武布昭怒赫然薄海內外皆黎元一方忍獨嗟倒  
懸爰

命申討掄桓桓趨拉驚悸膽已寒旅拒尙恃危巢堅  
王師迅捷疾走丸拔幟早自登崖巔立收美諾指顧  
間妖狐一窟血染殷促浸乃作逋逃淵舍沙鬼賊忽  
見干惡盈罪大不可原

宸斷遠燭操幾先

曰咨汝桂寄閩專倡勇健銳爭揚鞭左拑右角搏且

搏攻心直搗惟中權羅博瓦逕修蛇盤飛騰疾上趾

壓肩溯普喇穆何巔屹邛籠林立交攀猿一軍宜喜

駐未遷綽斯甲効前驅前夾河瞥見囊沙填日旁寨

落披榛菅寇克爾宗俄摧燔康薩昆邑轉戰艱勒烏

圍破亡關鍵乘勝下壓勢愈偏雷霆碎擊燄火披西

里直人雲根穿科布雍中旗爭攀貔貅十萬環其峽

噶喇依窟豕伏跼盡生獲之羅行轅紅旗一丈馳星  
躡剋期八日達薊燕是日

法駕

橋山還山寺駐馬桃花鮮忽聞吉語齋

帝顏歡聲般地連郊廛集勲五載慶又安典禮博考  
咨儒官岱宗秩祀

皇心單初暘藹藹翔華旃福地祇迓

慈禧綿釋奠

闕里用告虔宮牆肅肅通心源

屬車所至趨駢闐如春之澤

丹詔傳綏除獎賚周無偏解阜載譜南薰絃津門新  
波迎

玉鑾奏凱正值歸師遄

郊臺日朗旗旂翻

凱歌元聲徹雲端

皇情怡懌異數頒龍騎

賜出從天閑策勲列爵圖凌煙受俘申賀瞻鷓班

鴻稱敬上

文母歡錫類四寓介祉繁告成太學君琬鑠

聖謨端藉

鴻文宣並勒番境垂

瑤篇從茲笮微安耕佃仁濡義鬯周瀛寰文經武緯  
長陶甄紱豐永慶於萬年

平定兩金川詩

陸錫熊



維

天眷德

聖受命明堂執極臨樞璇璣承

謨

烈守兼創率履王道游平平大濛卽敘越經宿蒲瀛  
葱嶽羅璆蠙濮鉛祝栗訖

聲教矧有蠢類如獯豸金川阻絕當兩川谿幽箐密  
紛鈎連西山八國押蕃砦黑子影浴天之邊冉駝白

狗或餘種夜郎浮竹灰重然姜維城頭舊守捉十三  
部遠依峨犍桑門職貢紀演化百衆狎恰隨幢翦土  
官底簿闕族系參黷茫昧同飛翽突施黃黑辨娑葛  
靡當大小分旱开嗟哉人面畜以獸疇覆久沐

恩膏偏三宣六慰鞏牙錯王官受治無譙訐笮都耕  
鑿盡版籍蘖芽誰遣生螽蟻郎卡促浸昔首覺恃險  
蘊毒潛吹扇豺聲蜂目跡始露橙林棘路遭刊剝斯  
時澤旺聽穿鼻幽紮阿惡何孤孱歛關呼顚達

天闕赫斯一怒剛辰蠲孤豚出甾復汝土

恩餘肉骨蘇枯痛

黃鉞一下無處所禠欽悻魄行趨趨遮塗扶服稽厥  
角戴頭乞命祈哀憐好生

聖德並天地祝網蕩滌除汚愆

詔書尺一下幕府旗門頓顙張降壇

皇仁寬大蕢汝死期汝奉信綏疆埏豈知祝頂刻幣  
誓兩面反覆甘欺謾虺心未化倚窟窞鷹眼欲掣離

縱銳十年違順犯層齒革布什咱驚爬擅綽斯甲布  
三雜谷血口呀呷流腥涎碁分諸部各肝膽雞肋不  
敵方張拳郎卡自斃剩遺育索諾木性彌臬鷓屯糞  
繕壁計持久萬蟻一穴爭趨羶時聞竊出盜種落水  
火日夜相熬煎

聖心并包曠天度謂是何足勞及鋌勤師遠涉非本  
願蠻觸之開奚誅焉未妨玉斧畫大渡漫事湟咽遮  
先零爰

咨臺吏申約束祇令帖息歸牢圈籌邊闔外幸無事  
一掌不塞流涓涓公然白晝跳跟舞磨牙談舌心無  
峻彼僧格桑乃怨耦匪寇婚媾旋交怵西封規併鄂  
克什闐達色拉圍其闐埋牲誦呪托修却經歲屯結  
驅兇儼九頭夜嘯虎生翼百足曉聚萋憐虻獠兒狂  
逞思反噬竟奮螳臂當輪軸

聖人曰嘻汝逆豎敢負卵育忘生全豨虺肆食意無  
饜坐格符檄如遺捐維州橋邊飲戎馬誰造此曲聲

流傳及今不剪坐滋蔓何以輯衆安聞編用兵事有  
不得已魑魅可使民逢旃六師奉辭伐有罪堂堂建  
蘇朱序纏

天戈所指撥蒙翳巴朗拉曲先摧騫達圍資哩以次  
定披胸抉脅知膚瘠達烏鳥徑正庠豁鼙鼓遙應聲  
齶齶由僧格宗破美諾半月直搗笥離弦狡童十步  
九顛蹶隊走跣跣追飛鳶舊巢復掃布朗郭伏莽薙  
盡無藿蕪羊腸詰曲穿美卧游魂假息還蝸跽促殺

三才系 卷三  
黨惡作逋歎閉匿不聽長繩縶移師壓境剪角距雪  
山萬疊摩穹顛噓空一昔起妖霧前茅失道功迴遭  
揚波書竹罪難華憤懣氣結均靈顛定西將軍印如  
斗有

詔阿桂釐中權師仍西路更南路副以明亮分雙甄  
琥騰健銳嫻步伐索倫精甲思張卷大旗獵獵車闐  
闐其一敵萬徒七千將能將兵

帝將將敵愾壹意金同堅飲飛騎士會秦隴射生箭

校徵黔滇賜支子弟亦制挺宿飽踴躍搗屍銷重收  
釁拉靖反側

握機鑿秉珠囊懸形殊主客佇猜阻拾枿果不煩拔  
捫谷噶風雷齊助陣緣溝一縷青瑤瑤五更軍聲鬧  
鸚鵡踏雪直進花吹綿崆呀馬尼亦斗絕盾孔倏忽  
掄金蓮卞卞角嶺斷行迹捫參厯井飛空仙賊鎗暗  
熿暗不發蠶叢闢道睛剗驟峯尖蔽虧羅博瓦白羽  
沒筭開神淵紛紜困獸短兵接斷徑肉薄靈姑拳先



聲欲懾草木動碎骨競走豐隆鞭連山零雨濕輜軫  
濯甲早挽銀河前青泥盤盤暫休卒礮雲斷處晴光  
穿睢肝醜類尙死拒危礪如織排崕峴師徒劫怒志  
吞賊願肉爲食皮爲韉將軍驛奏稟

宸算絕微坐照猶堂筵山川曲折運

神筆咫尺不爽呈幾先喇穆喇穆勢繇互西峯削肋  
難梯纒鬼神無聲天宇黑半空突擊來題肩陸周日  
則孽了口當喉一瞥金戈挺專車朽幣遂輦送糶糊

暗辨獷牙齧劍鋒  
旁立指默格爾榮  
噶敗籜隨風旋蹴  
康薩爾塌重堊纜  
三晦朔衝戟鍵木  
思工疇匪掌得  
跂跂脈脈窮獼猿  
射沙躩踞防伺影  
遜克後路清藪  
淵攫身飛騰捷超  
距昆色頃刻成焦  
輝拉枯真比科  
上槁落星如雨鉛  
丸圓先時南軍北  
改旆宜喜奪隘  
乘機便日旁左右  
並堙鏟折鎗甲索  
扔畦阡黃雲捲  
盡茹寒麥平陂一  
角開原田繚緜萬  
籠夾水陣威策  
隱隱河西孺勒烏  
圍迺賊右臂功籠  
高下通闡鄧意

將堅壁支旦夕牆築羊馬濠虬蜓抵瑕擊實用奇計  
樹柵百道臨河沿轉經樓接冷角寺透渡無復划皮  
船籠罽暗踏橋柱圻卧波忽斷長虹眠曳柴相排壓  
重礮布囊重疊量沙填霹靂裂地出擊賊賊腦化作  
吹空煙月輪高高夜正午太白吐角垂秋壘危窠瞬  
息付煨燼灌藜立散棲枝獮我師乘勝更架入建瓴  
面走如奔泉三峯插霄亘西里雲根白丈都盧緣索  
隆科布布魯木一一震摺踏而領朗阿古則朗噶克

噉占首尾紛糾聯縱橫踏籍無頓刃看取妖血銜刀  
鮮雍中舍齊搜伏馘尻唯失據收矜咽青天白日不  
照汝獯獯枉自祠神祆鷓依圍暈合三匝常山蛇勢  
環轉卷河魚腹爛中自潰磁負屬道交躡編母姑已  
作猿在檻妖徒丐息芒生箔人熏鼠穴馬嚙尾啣汝  
殘喘安能延羅罟高張飛走絕投奔不斷通宵難獨  
松馬邦趁節解幕危鼎沸誰援揮徇軍瞎千方般煉  
填墮智盛虛誕罽孤雛本是咕俎物詎比肉袒還羊

牽開門蒲伏就司敗兄弟扶曳偕孥遷擒生纍纍致  
戲下組以係頸索以擊將軍磨盾草捷奏署日丙午  
書之牋上言一鼓下逆壘洿瀦厥室夷爲暝仰遵

朝指布威信悉徙誘脅收鯨鱸下言執訊獲戎首盡  
族無一逃箠笏軍資器械別簿上謹奉露布飛輶輶  
牙旗票姚紅一點馳送八日來何迢迢通喜氣一萬  
里桃花寺裏桃關前劃區別壤設鎮戍統帥管鑰持  
麾專角聲和平吹落日營門擊櫜連疆嶼巴歌淪舞

大和會蘭干細布輸資錢蠻童高卧放牛馬燒畝到  
處催耕似風雲戰地一回首但見疊嶂青攙天恭惟  
五載紆

廟畫

宵旰織悉勞茵羶

指揮貔虎一心力攀危涉阻忘胝胼軍儲轉運出太  
府不破一秉民禾稍塗歌負戴樂和雇

慈膏稠凝安糜餐

德音念我士勤苦月請時復加稟靡三軍雷動如拔  
纒髮濮感

澤詞謨誕春臺和氣滿春棧靈苗沃野春任任雷霆  
雨露備溫肅坐決

長策符筴筭

武成震疊萬萬禩赫耀胥爽咸昭宣酬庸申

命史祝冊五箴疏爵光貂蟬凌輝畫贊錫

奎翰如作彝鼎銘南嶽

珠邱祇謁告

宗

祖仗引

御蓋擎鮮扁鸞旗在泮

聖見

聖萬舞有繹陳嘉簿迎

釐岱頂奉

安輦天門日觀祥雲駢凱歸夾路聽桐鼓正及照眼



榴花如黃新莊南張

御幄杖杜

親勞王師還

午門立仗受俘馘以獻

廟

社儀文虔

徽稱臚慶崇

聖

牒朔曦會午輝芝挺禮成

頌制坐

前殿

恩浹海寓草蠲蝓辟雍豐碑屹丈五虬蟠鳳翥

毫如椽厓崖

製作照荒裔永鎮龔俗丹青鐫羣臣晉頌

上功德敬奉

聖壽彌億年持盈保泰仰

冲旨猶稟夕惕朝乾乾

小臣

稟管職記注戴

高遊

聖詞難詮萬分究一揆典實不數常武周詩篇

平定兩金川詩

謹序

平恕

皇帝四十有一載二月丙午定西將軍

臣

阿桂攻克

噶喇依禽促逆渠索諾木盡俘厥族屬醜黨檻

車以獻甲寅捷音達

行幄先三日

上以六師已蕩平寇境合圍其巢大功且夕迅蕩讞  
是日謁告

兩陵沕穆對越孚應如響蓋禮成而露布至也

上寅承

右序懋集

慈釐祇翼

安輿行慶東土迓

純嘏於秦岱告膚勳於泮林四月戊辰旋

蹕近郊將軍阿桂振旅如期至

勞還策功五月元日崇上

皇太后

徽號上儀鉅典次第畢舉寰宇大懼臣竊聞古者幅

員隘狹彭濮微盧巴夔西南棄之荒服不及以

政我

朝統馭埏紘太平太蒙莫不臣僕矧金川近隸蜀徼  
世受職號以蕃育種類此不得以古荒服例也

戊辰之役開網祝禽不悔於厥心恃疆虐鄰革  
布戕鄂什圍諸土司顛感沸攘靡有寧日稽首  
樹領籲告近關此不得以遠夷弗救也不訓而

征

天子弗爲令守土吏開諭福禍俾無終迷迄用弗悛  
妖言繁興包藏孔姦此不得以蕞爾弗翦也昔  
三苗饗鬻居於洞庭旣格旣敘終弗用靈堯舜  
兩征遏絕厥世矧金川罪逆實倍苗頑者與然

其積險犖礪仄逕冰雪緣管諸軍懦弗勝任賴  
我

皇上迅發勁旅百戰摧堅卒申

天討夫鋪張功業盤勺炳耀雅詩尙矣然地旣在淮  
徐太原之近又非能掃穴俘渠其時王者未嘗  
制閩外惟資力於師武臣調給軍食皆出井賦  
今萬里之外數路並進赴機決勝悉稟

廟謨璽書指授不逾晷刻餽餉七千餘萬發自司農

轉運之夫厚其賜而均其勞川陝之民晏然不知兵之在其徼也而給復緩征之

詔頻歲亟下內至置郵州邑咸沛

殊恩夫以戢暴求寧不得已用師如彼

神武睿畧視民如傷又如此雨露之所濡風霆之所

震因材稱物運量如天故廣無不覆明無不燭

威無不伸德無不徧後天奉若而先天弗違三

五以來未可較績而絜軌也臣竊效窺管作詩



百五十韻仰紀

豐功駿烈於萬一其辭曰

帝宅六合開胚渾提挈綱紐包乾坤春雷震震杲日  
暵孰敢不順逞桀躡旣梟郅支斲大宛條支西去連  
聲軒二萬餘里窮崑崙舉如長風振羽緝世世職貢  
來瑤琨金川醜孽浮竹孫趙拉促浸兩穴躡遠連衛  
藏近劍門鳥道斷絕箐棘萑干欄上據如陘洄度愁  
狄獫俯鵠鷄跳踉負阻常喑喑在歲戊辰兵壓垣搏

穎乞命涕泗浹

帝心好生憫墮螭班師不復窮排根不輸寶賤安犁  
犍甫閱十載竟負

恩封狼生羆性詐諼有毒必螫如虵蛇革布綽斯雜  
谷番我土司地輒併吞血牙雪齧恣嚼狼趨拉效尤  
鬪劇猶鄂什被困號沸喧

帝謂蠻觸何足論命置吏往喻以言文告旣殫彼益  
惛乃與促浸獨棄怨合成狼狽爲媾婚向我戍卒營

弘張內窺維州目睽暖

帝用赫怒馳輕輓滇池一旅來驩驩巴朗資哩舉撤  
掀兩路夾擊美諾燔賊酋走死求繫援促浸藪惡臂  
拒輶移師并勦森戈鐔雪花如席冰膠輶天欲稔惡  
絕厥昆間道逸出突猊豚元戎受

命新旂幡健銳火器齊揀掄吉林索倫皆諸賁飛龍  
出殿絳雪歎七千虎旅雲峯屯義勇奮激風雷燉會  
不浹旬蹋其藩宜喜絨布力抉捷西路架入窮追奔

砮崖絕壑千重嶽  
瞭然聚米知委源  
雲端有路綫一  
痕從天瞥下驚  
飛鷲倏忽攻心  
戈戟繁左屠右  
翦抽雙鞭後隊  
轉旆清匿狙如  
鳥折翼猴無臂  
據高飢向屋上  
翻河西時亦收  
樹墩隔河兩軍  
聲勢焯循河獵  
獵靡緋帑下瞰  
勒圍如井眚拉  
枯昆色角觝臚  
赤虬飛掣風火  
庵山狂谷狼煙  
燉溷層層進破  
深藏蹲中秋月  
滿黃金益夜中  
大呼躍騶駟賊  
驚自潰蹶且趕  
遂空一窟搜崖  
垠城砦六十紛  
墟播一夕掃蕩  
煩帶

笄提師直進追兔爰索隆科布高嶠嶠突驥駿騎駒  
駢駢一矢未發先號猿雍中舍齊庵羅圍乘勝驅逐  
如羶羶嚙喇依巢賊本根逆首縮身潛喘暖密圍進  
築斷走蹇渴無水漿飢無饑漿瓠沉木有母梟面縛  
先至何連狝釜中徒泣銜索魂逆天驅使一阱存俾  
我盡縛駢肩跟河西亦復兵不煩降勦旣畢皮作輪  
渡河來會旗翻反火攻週遭龍蟠蛇霹靂下擊紫焰  
昏樓傾柵摧戶液滿貫盈那得逃焚崑有聲終夜呼

降謹凌晨幕府開雙轅稜稜劍戟朱纛輝奇鶴九首  
毛羽髡率厥九嬰及九鯤文身穿耳布母縛帕腹轍  
聯赤鬪毬千羣戢戢頭如龜匍匐乞免膏金廳檻車  
連軫施轅輶一一組繫獻

陞閣是時

東陵方執幡昭然

靈祐通紛縕一騎騰踏紅旗繡遂詣

闕里薦藻繁百神羣祀馳琮璫掖

輦行慶敷春溫敬祝

神策週太元回

鑾仍過桐柏村芳郊麥秋浪沄沄

郊臺錯采明丹韞黃麾大仗絳引旛鏡歌競奏笳簫  
管朝簪肅侍鸞與鳩

袞龍照耀扶桑暎闕闕殷殷聞旋轉將軍金甲紫絳  
鯨虎拜稽首

恩便蕃

帝嘉元功盛典惇下逮將士賞陪敦逾百金鑑千錦  
純

徽稱十八鑄璆璠歸善敬以天下

尊勒

文鴻都宴鳧疊獻俘

闕下赭衣禪藁街庸雪羣蕃寃嗟爾遺臭如蜚螿不  
及助順蕃婦媛羊牛千百兼壺殮犒師待命靡擘阻  
務滋務盡分莠藿仰惟



天策操帝軒薄伐陋彼周太原遂立巨鎮開耕樵芟  
滌腥穢升馨磨發明歸昌鵜鰈鷁玉團錦氎波斯磬  
梯航鞆譯來諫諫小臣作詩擬雅填蕩蕩莫繪天昆

命

皇上七旬萬壽恭紀謹序

德保

洪惟我

皇上體元立極荷天衢提地釐清和純粹之福沈潛  
匝洽厥被濡澤者熙熙慕思若萬類之鼓於鴻

鈞莫名穹宰也雷動風散日暉雨潤

聖人之心以造物爲心

聖人之德與造物爲量

乾綱坤維元會默運所謂不見不動無爲者也天地之道恒久不已

聖人久於其道而天下化成諸福之應可致之祥莫不效符獻契紛紜環集所謂先天而天弗違後

天而奉天時者也

臣伏見

皇上御寓以來萬幾兢業日昃不遑用丕承

基緒誠和兆民黃支烏弋之國奇肱反踵之域

天威播臨讐慄奔走其餘延頸跂踵交臂屈膝濟濟  
翼翼喁喁如也干羽兩階

文思光被斟酌道德之源肴覈禮樂之數懿律嘉量  
金科玉條祥圖祕笈炳煥照耀靡不宣臻洋洋  
乎

威德之隆奄古今而莫競已歲上章

萬壽七旬普天率土臚歡合慶願祝

純釐

帝曰咈哉予惟鑒德遠方貢獻多儀咸屏勿進予其  
法

祖覃敷闡渥以迓

天庥以咎億兆臣庶俟應之志于是

蠲天下正供開甲乙之科廣庠序之員凡茲耆耄與  
榮施焉

賜百官爵一級寬吏議之望誤推

恩及其父祖修秩祀禮高年褒獎行宥愆咎

湛恩汪濊協氣旁流

南巡之典於茲五舉

馨香感格溢河循軌

經畫指授海若恬波展義陳詩順時行慶鳩杖篠驂  
之民瞻雲日而頌岡阜知

皇建有極斂五福以敷錫者方永庇於無疆之庥

盛德淵若謙冲弗居靡文曲節屏黜弗尙

山莊瀛館高秋景澄瞻

虹渚之祥輝識

壽星之朗耀烟煴太和旁薄四塞懷生之所浸潤  
遐邇之所游泳沕涌曼羨暢沂垓埏洵乎窺管  
之陋所不能仰測夫

高厚者矣

臣

攝乏春官典司上儀竊欣千載之逢敢

效載賡之什謹拜手稽首而獻詩曰

皇帝四十有五年

至德涵濡周紘埏二曜合璧星珠聯瑞降膏露湧醴  
泉百昌豐植庶彙蕃春臺熙熙

壽鏡懸月正元日

慶澤覃翔翔濟濟集鷺鷥零蕭灑露開法筵鸞鏘鳳  
翥

絲綸頒復天下租富藏民目明聰達闢四門賓典三  
物書登賢甲科乙科羣才掄百寮崇級欣彈冠幽光

旌蘭節義甄金雞揭竿肆肯愆

仁風左右被擁扇上自王公下里屢引年憲老

錫賚駢

辛壇祈穀吉日蠲贍彼南邦

帝五巡輯玉纘

祖斗運天青圻紫甸鳴

和鑿雨師風伯清蹕塵燕齊吳越望霓雲耕田鑿井

承



皇恩麥畦桑圃鋪清芬商綱民逋次第寬

仁膏瘞澍肌髓淪家家簫鼓斟衢樽扶老攜幼戴香  
盆

帝咨水土莅淮壅陶莊壑渠疏涸涸

聖心虔禱昭

蒼旻雲梯水長飛章

聞全黃順軌故道循金隄鞏固告翌晨風來銅瓦

裒靈勲煌煌

寶勒崇祀裡懷柔河嶽寧百神嗤彼淇園伐竹槌  
鸞旗載揚海之濱日射尖塔鯨濤掀潮汐衝突齧土  
薪登登築石排鄰鄰大吏督率

詔發糶二千餘丈塘魚鱗垂之永久工彌堅

宸謨指示田廬安數州縣民饒利源

時巡典備

鑿輿旋薰風披拂

揮虞絃天人協氣蒸訢闕

山莊避暑歲事因雨暘時若

睿慮殷

春秋彌高政彌勤吏治責實民俗敦一日二日

萬幾繁

批章連匭

丹毫紛律中南呂日夜分七寶莊嚴月華新恭逢

聖壽富七旬虹流電繞嘉祥臻諸福之物來

慶辰普天率土聲臚歡於時六合同軌倫萬方送喜

道湯平

威棱赫燁震裘旃伊犁土沃開屯田于闐河澄撈球  
珉土爾扈特稽角前諸蕃列部皆僕臣促浸趨拉銷  
蠻氛暉暉振旅錦水瀆褒鄂英姿圖凌烟於昭

大武石鼓鐫靈臺偃伯

詔右文搜羅遺冊衆美殫月給筆札青藜然校讐魚  
豕還本真

睿訓一一糾其偏臧弄

祕閣鉤陳連

文淵

文源與

文津典司羣籍官制沿冊府鴻規麗娜媛緝熙敬止  
典學專

幾餘揮毫妙理詮游息六藝富詩篇律諧鍾呂樂府  
翻

金聲玉振元音傳民物鉅細探其原一百六部羅韻

全上溯

國家

肇造艱考等百王

持論醇義包全史大哉

言乃

武乃

文乃

聖神聲名洋溢被九寰

照臨燾載感蝼蟻凡有血氣咸

尊親弧南星彩輝

紫垣風飄金粟香烟煨寶洲珠藏乘法輪銖衣紺馬  
紛連蜷西極僻處遠弗賓仰

大威德頸屢延向風膜拜祝

嘏純數千萬里王路遵

帝弗忍絕俾願伸柔彼遠人悅轉轉經壇毋許啟搢  
紳方物毋許岳牧陳祛華崇樸

誠諭諄

重熙

紹治世治仁

日新又新銘湯盤巍巍

帝德侔乾坤萬年

景命由

天申恒河無量

洪算緜



祿位名壽萃

一人臣拜稽首言難宣

聖駕五巡江浙詩

王芑孫

皇帝御寓時純熙坐擴億世丕丕基握乾綱而冒坤

維四十五載

德教彌化成久道治益治甄虞陶夏包軒羲懿哉萬

古之昌時

觀民展義禮是宜

南巡鉅典

仁皇貽粵稽巡方始具茨游河刻玉傳有之望岳輯  
瑞稱有媯自時厥後代可推省方繫象般繫詩矧我  
大清德倍徙歲紀上章貞攝提

皇帝詔從吏民思法

皇祖制揚蒼旗朔十二日躔陬訾詠擇表上靈臺司  
辰良日吉

帝曰咨布告中外咸聞知

鸞書飛下九級墀  
卿雲糾縵呈祥曦  
輝輝華蓋騰光  
奇鈎陳珠燦南  
暎箕陳詩於禮  
無崇庠小大稽  
首丹  
忱摛欽惟我

朝介景禧肇

祥朱果膺靈祚

天造景運恢鴻規

列聖繼述謨承丕我

皇顯緒翼翼仔於緝熙

敬密持惟

天惟

祖

宗是師牖民設教如堦篚誕敷

文命示訓藝春風殿閣濡喻靡萬象躍赴

天筆搗文淵三閣巍丹楹館臣四庫嚴等衰琅函寶  
笈分訂釐闡幽削僭祛滌誠汗流籍湜滄醇疵仰待  
天鑰開屢屢進呈

行幄馳黃馭書郵羅布星與基

敦崇儒術到治禪特科材選收桐椅藹藹吉士才鼎  
甄載揚我

武威赫戲二萬餘里隨鞭笞銘功絕域穹豐碑煌煌  
明堂位有差職貢不數因桓皮伊犁回部咸耘耔金  
川蕩掃開屯畷同我太平安且懷西方有人瓔珞襪  
鷲嶽鹿苑通邈迤思仁慕義心歡楮山呼來覲獻玉  
卮經馱白馬從文軹寶華湧現陀羅尼文揆武奮

帝受釐

帝惟威威而祇祇

覽奏乙夜勤然脂承流將相臯若藥小廉大法相切  
劇稱職者陟否者褫太和翔洽休嘉馳屢豐祥告禾  
呈祀

清廟朱瑟歌噫嘻偏災偶爾非傷夷賑恤百萬金錢  
糜苜海內外欣

皇慈存神過化洪鑪錘府開承德昌蕃滋橫經漸見

尊臯比木蘭歲蒐文圖糜先勞

親御天閑騎八旗子弟雄如貔節以肆夏趨采齊欽  
哉

祖武懷繩其

橋山展敬陳六齋

賦成巨麗詳豐岐休徵長文生靈著陋彼寶鼎齋房  
芝敷天哀對樂養頤望

幸尤切東南陲

帝庸眷顧蒙恩私

省方四御黃金羈

深仁厚澤及幼耆溯惟乙酉迄今茲天星迴周十五  
暮小民作息安束蓄有粟盈缶酒溢甌冬寒有裘夏  
有絺牛羊在澤雞在埘和甘飲食雨露曠望

翠華臨旦夕斲片曝抱悃忘嫉癡走告大吏陳其辭  
吏封章入函螭匣

帝曰俞哉章手披陶莊河引勢表透清黃交會流委



蛇

朕答

天貺寧高居揚州託業憑鋤犁方春東作親鐵鋤豈  
惟問閭佇雲麾

朕實厘此氓蚩蚩凡諸供帳無多靡三十萬帑出度  
支毋俾民吏輸銖銜截漕俾裕民食資千艘致粟如  
京坻厥賦正供吏勿追

湛恩汪濊沾無遺

皇帝重念春穀祈元辰故事修壇墮多稌多黍多秬  
極嘉薦芳矣羞明粢越三日

命銜鳴轆是日晴

闕暉晨熹閭闔天半開金鋌千官景從聯纓綵爰

勅鹵簿排九馗

珠旒鳳蓋何琴麗駕龍十二驂六螭駟駟駘駘  
驪鉞鉞鈎鈎鉞鈞鉞鈞旌旌旌旌旌旌旌旌旌旌  
駉駉捧塗清道來蒼祇福星照

輦光陸離蘆溝月曉消流澌瑞雪送喜飄輕颺紫泉  
卸砌叢芳薜園開紅杏含微霽恩泉涵

澤波瀾瀾日觀呈瑞朝暎暎萬松清濤謾山嶠江南  
雜樹飛黃鸝花園花放插春姿海棠水驛漾綠苔金  
焦

殿閣高繡栢雙龍夾渡鱗之而聽松奇暢交采恩竹  
鑪初茗浮花瓷

鳳脰南下引絲纒姑胥百頃青琉璃金閭

行殿錯綺梳

覽風茂對停雲輻朝天萬笏雄屣屣玉梅西磧繁千  
枝獅林奇石蹲猊獅山塘楊柳拖絲絲石湖一鏡飛  
鷗鷺靈巖塔影倒入池西湖綠淨波淪漪望

恩草木春葱蘢浙東翹企

法仗移吳趨俗尙醇不醕貢誠愛戴

皇心怡

鑾迴重荷弭翠鞋棲霞初地路臧陝金陵秀擁諸巒

嶧蜀岡花信遲醲醲南邦勝地春猗猗

天題銀榜蛟龍跣恭惟我

皇福履綏卷阿伴奭昭無爲海塘鞏固堅金隄河流  
九曲遙天臍庚辰終古安支祁

閱武糾糾羅熊羆逾格遷擢無偏裨賈舶銜尾春颿  
歆蕝香臚祝忘旅羈

蘇鑾莅止膏澤隨百僚侍

輦集履綦入疆行慶

恩覃施扶杖觀化來壽眉捧

賜粟帛相邀嬉秀髦作頌追奚斯

殿前給札俾抒詞兆民飫酌衢尊醕熙熙皞皞如舍  
飴瞻雲就日羣趨馳或舞于巷歌于達咸頌

皇帝萬福禔

小臣

涵泳乎

聖涯掄揚

盛美心傾葵快覩

五巡之上儀光華復旦

化日遲自五以至千萬期金泥玉檢鴻文垂  
皇帝萬壽凝繁祺

盛京篇百韻

謹序

彭元瑞

皇帝東巡于

盛京恭謁

三陵蓋上儀於是四舉矣是舉也上以宣

列祖之重光下以萃萬國之壹志示理大物博明備  
之典應久道成化曼羨之期求之自古寶維希

矣夫宅鎬道成燕翼涉澗及祀豕袍皇矣八章  
恢戰功幽風七月曠民俗東都之會同苗狩時  
周之喬嶽翁河皆追頌舊京用事巡歲然而武  
祭畢陌僅見汲書康朝艷宮獨紀魯傳厥典有  
間其詩闕如自四始義遙七言代作揚扈介乎  
古律鋪敘宜於長言雖無雅頌詩人能賦之材  
幸逢典謨古帝未有之

盛敢播金石庶附壤衢迺作



盛京篇其詞曰

日月開

皇極風雲肇

丕基

纘緒擴

駿烈

展謁昭鴻儀

駿烈鴻儀隆萬古作邦作對以篤祜乾苞坤絡拱

陪都

祖德

宗功造天府慶基俄朶里祥源闔門潭白山千仞峻  
黑水萬派涵四塔環向立三關控制兼不勞東澗西  
瀍卜毋縱龍蟠虎踞談

興京滋大東京建遼陽甫定瀋陽奠羣臣謀國紛一

一

神祖定都超萬萬西壓明畿掌上螺南帶高麗井中

波北征蒙古不旬日畏

威懷

德服者多有山可樵木可室宜獸於原漁於河椅桐  
梓漆衛揆日繇鱮鯉鱧周作歌神臯陝區物豐殖天  
道地寶人會和從茲會極歸有極億萬斯年規

帝室

三殿當陽南北嚮十亭議政左右翼

大政殿開宵肝勤

崇謨閣迴典章集武有七德實勝標政聽五聲諫木  
立

與朝之制鉅典輝

聖人之心儉德依土階茅茨淮南美萬戶千門方朔  
譏班固練都說夸侈張衡研京語依違保塞限他邦  
晉陽祇舊宅金陵飛燕入市上逐鹿得惟有周家鎬  
與豐文謨武烈事差同畢竟舊侯非敵國未能義取  
由武功三代而來論都者

耿光大烈疇比崇皇哉

定鼎隆赫矣

留都建五雲隔

珠邱四孟饗

原殿

聖御闕六旬

躬詣肅三薦

文孫光

前猷盛事答

天眷昭陽

臨初卅載週著雍舉後五年道爰消大丙

和鑿駕

申命太常吉日諏陵令風掃潔禮官誓戒修檀密關  
前縣興桓塞外州卷阿留

避暑

清蹕啟高秋漸入柳條邊行臨松花水舊社近枌榆

三才圖會卷之三  
卷之三  
帝鄉敬桑梓歲豐賽斐足梁麥見大鉏勸善弧矢拉  
哈泥草乘屋亟額林皮楣制器始雪中法喇知牛健  
江上威呼得魚美松實作塔七寶裝澆形成人五葉  
起葱葱鬱鬱何佳哉翹首

三陵王氣開九擗凝神陪劍佩三升告  
侑列尊罍水木有源通

志氣羨牆如慕感

栽培二萬輿圖今式廓十三戎甲

昔初來

明堂實政頌

巡狩大號渙歲租

賜以全莊糧蠲其半冠帶襲周盟雲天需鎬宴輦前  
嘉頌

賚宮帛仗外老民

錫官絹圍扉草滿拜雞竿蠶舍芹香廣鶚薦兵因執  
挺糧有差官以清塵爵無算班分蒙古



御筵開額捧句驪

宸筆絢禮行顯祐景祐

親望于遼河渾河徧北海北鎮新奉祠功王功臣優  
遣奠

恩誼布而獲

諭詞周且篤

示儉思顯衣

申訓戒改服鹿角製椅存

手澤霞縹觀書因舊俗家風長在使士射  
國語毋忘爲官勗

君舉必書皆大端事豫則立由幾先

園壇九奏

南郊妥

方澤三成夏祭虔

清寧宮祀

神如在德盛門移

廟孔安

冊玉

寶璆尊黼几戰圖潢牒貯瑤編出帑逾百萬修城凡  
十八役不聞鼓鼙民咸樂畚鍤墾垣剗堞溯

功成山高水清久太平地當馳道屹壯觀天與勝勢  
環

神京高閣成新構文館宏

前躅東都邁麗則西京軼天祿溯從一水淵源津藏

將四庫三萬六侍臣排帙堆豁山

天子披書秉糠燭我

皇文教被無涯又成

四集萬首詩朝鮮使者能虞

韻敖漢先生解屬辭方看

攬轡已

篇成考文訂古

聖人情天雲上下澄海甸遼水東西枸柳程姜女祠

稽杞梁妄夷齊廟辨墨胎精罪功局定熊廷弼門戶  
戒申王化貞戰壘可綱

褒謚顯石坊大壽貳臣驚羣仰

聖言大洪惟

祖德宣後所過前所松山接杏山雨中降將出關外  
勝兵還風雷舊說龍方戰

雲日今瞻馬旣閑

吟來用誌

前勲集到此方知

王業艱於鑠王師薩爾濟

天威所及馘劉杜鳥蛇豕鹿儼軒轅虎豹昆陽陋光  
武

高文典冊垂無極

大字碑版照終古

徽冕禹德遠

戎衣周緒鴻三成開滿月一白立嘶風高皇劍莫匹

昭陵馬不同設衣陳器斯爲孝

創業

守成各有道如貞

祖宗昭穆心敬爲子孫臣庶

告已週廣甸

巡言旋巖關路

東陵謁

孝孫

奉先格

藝祖

前殿

大朝會羣臣賀拜舞

鑾啟方過

萬壽節

蹕迴正及小春月五千里路鼓車記六十日程郵籤

列



天顏有喜增晬盜庶政必親勤

批答

古稀天子真無疆維乾之健兌以說情深而文明禮

備且樂宣

臣

幸際

昌會敬賦

盛京篇